


刑部 雜犯一 雜犯二 闡遺



刑部卷之十六

雜犯

斷例一十七 二十七 三十七 四十七 五十七 六十七 七十七 八十七 一百一十七

典章五十四

違

枉勘平

縣丞為從 縣戶為從 達魯花赤 決。解任 決。解見 赤主意 期年降等 任期年降 決。除 叙

民身死

期年降等 叙

等叙

名不叙

枉

執民為

盜禁死

達魯花赤 治中各決 解見任期 年降等叙

知事又權 司獄事決 罷職除 名不叙

名不叙

推官決除 縣尉決仍 與本路判 署官吏均 撒燒埋銀

違

縣官擅

弓手 縣尉

縣尹 司吏

錯

斷軍事

決 決

典史 決

私影占

騎坐弓手馬疋者 除例應公差外若 決標附過名本管 有私役弓手者決 官吏不應應付者 三名以上加一等 各減一等

役弓手

失監

獲偽鈔賊轉 決囚走 強盜劫 押送賊在避監 事人決失囚走 獄人賊 決強盜劫獄在 獄在逃獄決 決 獄逃走 決強盜劫獄在 牢子決 逃押獄決

承告不 即救捕

長官以 下決

捕盜官決 解見任別 行求任

違

起解

一季

提調路官

首領官

司吏

庫官

司吏

每季不 過次季

昏鈔

二季

提調路官

首領官

司吏

庫官

司吏

五日十 裏起納

慢

違期

三季

提調路官

首領官

司吏

庫官

司吏

每季不 過次季

違枉

被盜枉勘平民至元七年閏十月尚書刑部奉 尚書省劄

付據安陽縣尉王再思涉疑王丑漢作賊屈勘身死斷本官

七十七下省會罷任及追徵燒埋銀五十兩給付苦主安陽

縣達魯花赤竹迷思等不合依憑王縣尉再將逐人考問罪

犯各罰俸鈔一十兩主簿徵鈔八兩解部承此

枉勘部民致死真定路南宮縣達魯花赤脫因迷失縣尹龐

鐸縣丞蔡茗各狀招伏賈珍與靳留女互爭地土公事既是

賈珍賣到馬千戶關文止是遲下不合作本人隱匿關文昏

賴庄田枷收斷遣及脫因迷失自行主意五杖子換一個人

將賈珍斷訖三十七下因杖瘡五日身死罪犯部擬脫因迷
失三十七下除名龐鐸二十七下解見任期年後降先職一
等叙用蔡一十七下解任期年後降先職一等叙用均徵燒
埋銀兩給付苦主省准斷訖

拷無招人致死江西行准准 中書省至元二十三年八月
二十七日咨據御史臺呈行臺咨廣東道按察司申潘先告
廣州路官吏因為長李趙二等強拖人口指兄潘與知情有
羅總管嚴治中將兄法外拷訊就牢身死取到總管治中司
吏洗泳等并初復檢官吏招伏都省議得總管羅仔治中嚴
珪所招據羅成之等告男并小廝上山採柴被人拿住勾到

干連人馬富詞因指出潘興曾對劉二說稱上山多有採柴
小廝令劉二拿兩個來賣語句有潘興等不招自合研窮磨
問伺候劉二到官指證明白將潘與依理鞫問却不合不候
劉二到官使令牢子張瑞等將潘與當廳縛倒用獄具訟身
拷打以致因傷身死情罪各量決三十七下解見任別行求
標附公罪過名咨請委官與按察司官一同依工斷決其餘
有招人數就便量情斷決施行

淹禁死損罪囚至元二十七年六月初二日 尚書省咨據
御史臺呈備監察御史呈彰德路安陽縣縣尉司將偷牛賊
人劉四五六名淹滯在禁因病身死取到權縣尉本縣主簿

劉仲珉招伏都省擬斬七十七下罷職除已札付刑部斷決外合行仰照驗施行

枉禁平民身死至元二十九年行御史臺為浙東道廉訪司申婺州路阿老瓦下被劫蘭溪縣尉朱政所招不行擗緝正賊輒將平民死後獲正賊真贓取到婺州路枉禁平民招伏移准御史臺咨呈奉中書省劄付送刑部議得縣尉朱政所招不行擗緝正賊輒將平民包捨等三十九名通勒虛招作賊朦朧解轉行解府致將元劫正賊錢慶二等捉獲追搜贓仗到官情罪雖係分間已前終是入罪之原以到將包捨等二十一名枉禁身死甚失所委量擬決五十七下李蕪所

犯捉獲偷駟正賊張厨招說明白不即牒縣却將平民朱三執謀同情為盜拷打張厨導引攀指不立案驗輒便加刑枉勒虛招訊瘡舉發才方保放既已平復量擬四十七下解見任別行求仕標附都省准擬合下仰照驗依上施行

重杖打人致死大德三年三月江西行准准中書省咨來咨表州路宜春縣龔士高告本縣祗候人王成起夫索要鈔兩將男龔仲一行打在縣妄被縣吏抑勒虛招用籠杖子將男斷決回家身死責得行杖祗候人姚元狀招不合依隨司吏夏賢分付重打上于首領樂室處接到杖子元爭打頭杖用大頭經將龔仲一斷訖一十下于本人腰眼上近下打訖

二下以致受杖血攻腰腎致命身死罪犯樂寶夏賢所招相
同取訖宜春縣判署官有失關防招伏咨請定奪准此送刑
部回呈施行間大德三年正月初八日欽奉

詔書內一款節該其餘雜犯並行釋免欽此本部議得各人所
犯罪輕釋免擬于姚元樂寶名下依例均徵燒埋銀兩給付
苦主據春縣官吏過名標附相應 都省議姚元所犯因為
夏賢分付此上將龔仲一非法行打因傷身死所據燒埋銀
兩擬合着落夏賢姚元樂寶均徵餘准部擬請依上施行
拷勘葉十身死大德七年七月初七日 中書省咨御史臺
呈行臺咨浙東廉訪司申衢州路開化縣尉王澤百戶朱瑀

因汪有成被盜絲貨將本人汪雲三餘添葉十作賊非法凌
虐拷勘教內葉十因傷身死間洋縣尉王澤狀招于大德六
年九月初十日獲到汪有成被盜絲貨可疑人葉五葉十汪
雲三別元明白堪信証証自合用心諮情以理推問却不合
三次約會軍官喝令弓手徐魁五等七人將葉十葉層五用
木棒放在各人胸腹內令弓兵併力用刀用力踏踏及使麻
繩綁縛用使刑杖將各人非法凌虐以致葉十葉層五兩手
脚潰爛俱成大傷葉十因傷身死招伏是實百戶朱瑀狀招
相同縣尉王澤脫監在逃具呈照詳送刑部議得衢州路開
化縣尉王澤鎮守百戶朱瑀所招因汪有成被盜絲貨告指

可疑人葉層五葉十汪雲三取問得既元堪信明白贓驗不
即根捕正賊輒將各人法外凌虐拷勘教內葉十因訊瘡致
命葉層五被傷赴廉訪司稱冤委官取問得寄贓人余曾六
等避怕拷勘轉于事主等處買絲作元盜正贓納官一千人
招証明白縣尉王澤避罪脫監在逃即同獄成比例合決六
十七下降解任降先職二等從御史臺根勾到官依上施行
外據百戶朱瑞止合依例捉賊不合與縣尉王澤將元辜葉
十枉勘身死罪犯緣係管軍之職又曾三次用言止約王澤
不從止據不合同立案驗情罪量減二等決四十七下仍于
縣尉王澤名下追徵中統鈔一罷職除名不叙推官蔡錫既

係鞠勘之官凡有盜賊先備五聽審其辭理參其證佐辨驗
是非理有可疑然後拷掠雖蘭溪縣解到包捨三十九名在
本縣曾招行劫阿老瓦丁財物殺死事主馬黑馬沒等別元
元劫正贓行便器仗並不詳情磨問又信從包捨等妄指平
人徐再五等九十六家受寄贓物不令面對輒便追給在後
捉獲正賊追收贓仗到官雖係分明罪囚已前却緣平人包
捨等二十一名枉禁身死深不稱職擬合除名不叙達魯花
赤小云失治中忽都魯迷失知事杜亮等不行詳情追究罪
犯諒情難恕擬將達魯魯瓦赤治中解見任期年之後降先職
一等叙用外據知事杜知事杜亮又權司獄事却不將各人

時復審錄致將平人枉禁身死擬合罷職除名不叙燒埋銀
兩令縣尉朱政其本路判署官吏均徵給付各主相應都省
議得朱政等雖在分間以前却緣將元辜良民包捨等三十
九名逼勒虛招作賊以致枉禁身死二十一名情罪深重擬
斬縣尉朱政一百七下推官蔡錫八十七下知事杜亮五十
七下所批達魯花赤小云失治中忽都魯迷失雷間緣為公
差不曾詳審止憑推中押過各賊招詞文解署押在卷以致
枉禁各人身死各決一十七下餘准部擬都省除外仰照驗
依上施行

拷打屈招殺夫至元二十九年二月 行臺據監察呈審錄

龍吳路一起鄧阿雇稱冤並不曾與姪鄧吳有奸謀殺夫鄧
德四亦不知夫鄧德四彼殺根因鄧次稱冤上下官司不准
將阿雇打拷屈招委是冤枉得此省會新建縣于所指四十
四都察捉到潘四三胡萬一到官供指委有田主鄧吳為爭
家財倩令殺伊叔鄧德四于至元二十五年正月一十八夜
二更時依從鄧吳主使于本人手內接訖尖刀一把在手胡
萬一手執磚石一个典雷正俚同情于鄧德四睡處堂上靈
前將本人殺死是實並不是鄧吳與阿雇有奸謀殺夫是實
得此看上項公事上下官司將鄧阿雇枉勘枷禁五年實為
冤枉切恐其餘路分亦有似此冤枉之囚擬合行下各道廉

訪司憲察司行

桂禁賊攀土盜元貞三年行御史臺准御史臺咨近據河北河南廉訪司申准分司牒考城縣貼軍戶朱僧兒狀告本縣李縣尉捉獲張厨偷盜馬畜指稱張厨將父朱三攀指拷打凌虐訊瘡舉發總方保放等事取到縣尉李蕪招伏委曹二次盜訖余墓村李四馱三頭不得姓名人家馱二頭將張厨拷問有元同伴賊人致本賊轉行虛指朱三偷盜劉大馱畜于朱三左右腿上枉勘打拷訊五十餘下收禁五十餘日總方牒發本縣罪犯呈奉中書省劄付送刑部議得縣尉十錠給付苦主營葬之資標附過名相應都省准擬請依上施行

行

打死換作磕死大德八年三月初十日御史臺咨廣西道廉訪司申刷出廣西宣慰司文卷靜江路申古縣備富祿巡檢司牒梁壽二告何福慶因欠軍人王買馱楊聚竹席被各人將木棍決打身死古縣不將行兇人王買馱歸問却將何福慶妻何阿盧扣喚元供作伊夫與王買馱相扯跌倒被竹根磕着陰囊身死將王買馱跡放等事取到簿尉史王達魯花赤日赤蒙古各招詞議得月赤蒙古擬合解任標附過名別行求任史王解見任降先賊二等雜賊內任用除將各人離賊羈管聽候着落追徵燒埋銀兩給付苦主外咨請照詳

准此呈奉到中書省劄付送刑部議得王買駙將何福慶用
捧搗死屍狀元擬招伏明白簿尉史王不思人命為重聞知有
詔使令司吏扣換元招却作自殛身死故出其罪擬降二等雜
戒內任用達魯花赤月赤蒙古不合隨從情犯解任別行求
仕標附相應都省准擬除外仰依上施行

打死驗作病死大德十一年 月行臺准

御史臺咨奉

中書省劄付近據刑部備磁州知州張奉訓呈成安縣人戶
田雲童于正月初二日將弟田二用趕麩杖毆打伊母阿耿
向前解勸誤于頭上打傷初三日身死伊舅耿端陳告本縣
達魯花赤太帖木兒看猶不肯受理本縣劉主簿屢告過勾

捉一千人等到官達魯花赤太帖木兒初檢得本屍頂心偏
右新打破瘡口長九分濶三分寫作尖瘡癢痕并額上左手
右肩腰間青腫口內血出俱不寫入傷狀令人邀請肥鄉縣
復樵官吏捏合屍狀定驗作因風氣病身死卑職問出官吏
取受及將田雲童等招詞開申廣平路不行申覆上司止照
小節不完又令卑職婦問中間空礙不能盡言看詳人子之
道理當報本歐母致死罪莫大焉若不僭呈差官前來審錄
歸結實非卑職獨力可辦之事得此差委前兩淮轉運鹽使
司同知忽都牙里鞠問是實除田雲童別行結案外問出成
安縣達魯花赤太帖木兒狀招受訖田雲童弟田安中統鈔

一十五定雜色暗花段子八疋毛子一疋除回付外入已鈔
 七定折至元鈔七十貫依枉法例決訖八十七下除名不叙
 典史趙璧要訖田安中統鈔四定三十兩段子三疋除回付
 外入已中統鈔一定係枉法接行司吏周德華受訖田安中
 統鈔三定折至元鈔三十貫係不枉法各決訖五十七下罷
 役不叙肥鄉縣達魯花赤亦的典史李榮司吏孫崇祖狀招
 不合食用田安酒食將復樵屍傷脫傷驄作因風氣病身死
 將達魯花赤亦的量決四十七下罷職不叙典史李榮五十
 七下罷役司吏孫文質又招要中統鈔三定折至元鈔三十
 貫係枉法決杖七十七下罷役不叙廣平路官首領官不合

不即飛申上司及不勾追赴路歸問罪犯別行外都省議得
 知州張奉訓正奉公直刑部辨明惡逆重事糾正枉法官
 吏除以優加陞用外合下仰照施行

枉勘死平民身死大德三年三月 日福建廉訪司承奉 行

臺劄付准照得大德九年二月十三日據廣西道廉訪司申
 大德七年十二月二十四日慶遠宜山縣人戶謝徹廣令姪
 男謝克勤代告先被莫榮捉拿男謝三二賣出深洞盜殺耕
 牛捉拿到官莫榮買求見閩官朱僉事勒取誣告招伏斷訖
 一百七下追牛九隻告蒙宣尉使司元帥府回避本官又大
 德五年正月內朱僉事借中統鈔五十定又借夫五十名為

借不從仇恨却令偽鈔賊人蒙五攀指男謝二六行使非法拷打在牢身死問得司吏莫煥等供指朱僉事對說我審因問偽鈔賊蒙五你休觀面皮這謝徹廣老馮曾告我本官令煥傳言道官司打聽得謝徹廣分付元起屋木匠小吳唐再二同你做偽鈔送一十五定典謝二六接受令煥取責蒙五招詞分付宜山縣吏黃世榮抄寫回縣扣換蒙五元招及取訖連署官安撫使韓文煥等招指証明白朱國宣撫拒招係收受

宣命人員難以鞠問乞照詳為此劄付本道依例停職追問明白擬定申臺去來回據狀申開到韓文煥等一千人等招詞

指証謝二六因朱僉事拷勘致死有朱僉事抗拒不肯招承以此將朱國宣停職再行取問大德九年三月二十三日欽遇釋免罪輕釋撥情理深重合依太原路堅州達魯花赤忽都魯挾仇將平張添作賊拷打身死將朱國宣罷職不叙唯復依裕州方城縣達魯花赤燕帖木兒將平人韓順挾恨在禁例解任于雜職內任用其燒埋錢合比武崗縣枉勘平民匡又等作賊身死例于朱國宣名下追徵給主安撫使韓文煥招狀係判署長官謝二六到官不行發付宜山縣歸對隨問朱僉事留于安撫司除朱僉事喝令周君信拷打外韓文煥亦令批頭木棍將謝二六拷訊杖瘡斃發致死又兼韓國

煇郎次分樵視罪囚有謝廣告已年八十別元招涉淹禁在
牢九个月本官置之不問明直至謝徹廣病危才方保放還
家不及半月身死聞知謝克勤赴廉訪司陳告終令親人甘
勝代首原其所犯雖死始謀情意終是判署長官擬將韓文
煇解見任別行求仕本臺議擬合安撫司僉事朱國宣枉勘
平人謝二六身死雖元招承其始謀情節衆証明白依准廣
西廉訪所擬罷職除名不叙及安撫使韓文煇已招隨同朱
僉事令禁子周君信用披頭木棍將謝二六拷勘杖瘡疊發
致死又將謝徹廣元招監禁九个月直至病重才方保放在
外不及半月身死亦合除名不叙同朱國宣名下均徵燒埋

錢數給付苦主相應各官俱係欽受

宣命人員移咨御史臺照詳今准咨呈奉 中書省劄付刑部

呈照得大德六年三月承奉 中書省劄付本部元呈奉省

判河南行省咨揚州路江都縣宜凌巡檢司枉問魯觀奸因

奸殺夫本婦稱冤事理送本部議得魯觀奸元用鎌刀刮鍋

伊夫向伊哥歐打本婦遮獲誤將夫向伊哥咽喉抹傷當時

伊翁姑知會不曾生發其弓手徐妙舉呈到官巡檢司官吏

枉勘魯觀奸虛指因奸殺夫今既勘驗得魯觀奸委有女身

難以因奸殺夫定論止據魯觀奸因夫歐打遮護誤傷罪犯

罪輕原免以此恭詳如准咨政朱資德并行省所擬將魯觀

疎放分付伊夫向伊哥完聚宜凌趙巡檢雖先取到招伏司
吏周士貴所指枉勘罪犯明白然此輩前即係故人罪擬合
罪去不叙相應都省准擬仰照驗施行又照得大德七年七
月內承奉 中書省劄付湖廣省咨武崗縣龍溪隘頭目蕭
監稅涉疑捉獲匡八指出伊兄匡十一劉十一等三十餘人
行劫孟弓手等四家財物武崗縣官吏管軍千戶張宣武節
次取問得匡十一等一十一名各招不合聽從首賊匡彈壓
糾合行劫孟弓手等四家財物匡彈壓不肯招伏數內匡八
等一十一名因病身死六名保放在外身死五名及問得事
主向耽公等三名並不曾被劫孟弓手狀結被劫時于內認

得一賊係劉千一元患右眼次後捉獲正賊劉千一招指共
羅季四等一十八名劫訖孟弓手財物並不曾共匡彈壓等
上盜本道宣慰司委寶慶路府判孫承德取問到頭目蕭監
稅武崗司吏蔡瑛等各：枉勘招伏為元元問官屈勘招詞
推問問欽遇釋免若使追徵燒埋銀兩却緣事在革前咨請
定奪送本部議得龍溪隘頭目蕭新等別元承准事主告劫
文憑輒將平人匡八捉拿拷勘妄指伊兄匡十一三十餘人
行劫周耽公周十向耽公孟公手家財解赴武崗縣當官該
吏並不詳情磨問止憑誣詞約會軍官張千戶將匡十一等
非理煨煉屈勘虛招既勾問得所止事頭周耽公等三家狀

招不曾被盜亦无追到可信贓仗又无明白顯跡即係元辜
良民理合隨即踈放其元問官吏依前枉禁匡八等一十一
名身死內羅道人等三名召保在外病死別無定奪外禁死
元辜匡八等八名情罪非輕以此恭詳雖无取到元問正官
招伏却緣該吏蔡瑛等招指明白見各人署押案卷可照罪
无可疑欵過釋免量擬達魯花赤沙班縣尹陳世榮縣丞趙
淵主簿孫從千戶張宣武解見任各降元賊二等典史司吏
楊滋等俱各革罷不叙通行標附仍于元問官吏并把隘頭
目蕭新等名下均徵中統鈔八十定給付苦主充營葬之資
相應都省議得元問正官量擬達魯花赤沙班縣尹陳世榮

縣丞趙淵主簿孫從各降先賊一等軍戶千戶宣武削降散
官一等餘准部擬除外仰照聽依上施行奉此本部議得慶
遠安撫司僉事朱國宣始因挾恨人戶謝徹廣男謝二六曾
行將宜山縣已問印造偽鈔人蒙五打拷令司吏莫煥教引
盧指謝徹廣男謝二六曾行供逸知情分使如此取訖招詞
分付縣吏黃世榮扣換本賊元招勾捉謝徹廣到官謝二六
赴廣西宣慰司陳告復值伊姪宋元帥循情不共受理赴湖
廣行省稱寃其朱國宣等差无賊役人王再貴就武昌路捉
拿本人回還又不發下宜山縣與元指賊人歸对亦无取到
招伏主意與安撫使韓文煇違例輒將謝二六枷禁遊街號

令連日拷勘經隔六日在牢因傷身死伊父謝徹廣年逾八十死招監禁九個月餘病重才方召保還家一十四日身死使死辜良民父子二人俱囚枉禁死于非命却行噴毒復驗官河池縣簿尉左榮祖依實檢驗情罪深重雖死取到招伏其連戍官并一千人等指証明白罪經革撥比例擬合罷職不叙安撫韓文煇原其所犯雖僉事朱國宣主意終是判罷長者一同拷勘枉禁平人致命比例量降二等均徵燒埋銀兩給付苦主標附相應都省准擬仰照驍施行

枉禁輕生自縊大德十一年六月 江西行省准 中書省咨所委官前刑部主事李居禁呈依奉 省劄前去江西行

省其省委瑞州路同知鄭朝列一同審錄見禁罪囚罪囚起內吉州路錄事司一起牢子蕭德陳万監禁鍾三自縊身死參照過行卷取訖錄司達魯花赤小雲失海牙狀招大德九年十一月十四日據李阿刘狀告刘季三同不得姓名盜客一人將夫尋喚出外打死與本司錄事及判官一同歸問得正犯人刘季三已招將李重二賜死干犯人鍾三招指曾將李重二罵作歪嘴乞人子少人錢不還語句及向前救劝不從致係刘季三將李重二賜死申奉到吉州路旨揮駁問鍾三即係緊問合問人數再行引審各人所招死異即合分下輕重依例發落却不合為苦主李阿刘節次告称夫係是鍾

三賜死不肯准伏因此將鍾三鎖禁六十餘日以致在禁輕
生自縊身死招伏有實錄事紀錄：判蔣祥典史劉顯司吏
曾文信等吉州路吏劉宣所招死異若便預決緣係在禁縊
死人命事理送刑部議得錄事達魯花赤小雲失海牙錄事
紀錄：判蔣祥典史劉顯等所招雖是取訖鍾三因劉季三
賜死李重二不行極力救功招伏却不分間輕重發落枉禁
八十餘日以致在禁自縊身死各官罪輕革比例俱解見任
別行求仕外據司吏劉宣等各罷見役通行標附過名相應
都省咨請依上施行
枉勘格前取到招伏延祐三年六月行臺劄付准 御史臺

咨延祐二年十一月二十七日合稟通例呈奉 中書省劄
付送刑部議擬下項事理內一款官吏人等雜犯枉禁枉勘
等事延祐二年十一月二十七日以前取訖招伏議罪之際
罪輕釋免據役合元照降殿叙前件議得官吏人等枉勘枉
禁如已有招伏明白據各人賊役照例議擬其事雜犯駭事
輕重詳情區處相應都省准擬仰依上施行
枉勘格前未取到招伏延祐二年三月江西省擬廣東道呈
廣東廉訪司先為廣州路番禺縣郭一哥被劫本縣簿尉史
彭信將平人馮法等枉勘虛招博羅縣追問各賊番禺及弓
手朱祿孫將林聖護打死等事革前雖元取到招伏却緣弓

手陳英等招指明白并本縣案卷可照申奏行御史臺劄付
移准 御史臺咨呈奉 中書省劄付送刑部議得番馬縣
簿尉史彭信典史陳珪司吏潘願等因郭一哥被劫衣服鈔
兩本縣不行詳情推問止憑事主郭一哥新婦陳二姐李說
將平人馮法大等八名枉勘虛招作賊追贓到官博羅縣歸
問得各賊番異已追到官贓物俱于諸人處借買批簿尉史
彭信等革前雖已取到招伏緣本縣元立案聽明白以此咨
詳簿尉史彭信等所犯合准已擬簿尉史彭信解見任別行
求仕典史陳珪司吏潘願等罷役不叙外批朱祿孫即係應
捕官兵被差將林聖護監收為本賊越牆在逃趕至官山嶺

上因林聖護拒捕用棍將本人毆傷身死事本因公情非故
殺罪輕釋免據燒埋銀兩難議追理都省准擬仰照聽施行
胡廣等遊街身死延祐四年正月江西廉訪司承奉 江南
行臺劄付准 御史咨來咨江東道廉訪司申皇慶元年六
月初一日准分司牒審錄池州路罪囚教內一起胡廣等身
死公事取訖本路正官首領官吏并監官錄事司達魯花赤
明里于思貴池縣尹黃璋等各招伏外據總管字案歹雖
是患病拒抗衆證案聽明白若將各官解任殿叙緣係為例
事理開咨請照詳承奉 中書省劄付送據刑部呈議擬到
下項事理逐一開坐于後燒埋銀兩難以追徵具呈照詳得

此都省仰依上施行

司吏周崇仁狀招皇慶元年二月十四日捉青陽縣解到當欄客到放沿村擾民詐騙錢物犯人胡凱等一十二名取到胡凱等不合雕到建康路萬戶府偽印徵寫根捉逃軍偽引差劉一同胡廣等一十餘人在鄉以捉逃軍為由當欄路行客旅沿林搔擾百姓詐騙財物各：招伏未曾追勘完備有本路官提管言語胡凱等一十人騎棘馬責付錄事司達魯花赤明里于思貴池縣尹黃璋監押前去遊街舞令崇仁明知上司禁例不許遊街拷掠自合明白執覆却不合故違通例當廳將胡凱等

責付縣尹等監押前去遊街號令隨有本路達魯花赤省會縣尹黃璋錄事司達魯花赤明里于思言道這胡凱等一起人是害百姓的好生將去街上打着交他叫着那令以致楊首領等將胡廣朱珍胡德林陳闕兒康環兒王德一強一胡張哥張保兒亂杖行打內胡廣等四名隨即身死又聽提管并達魯花赤同知張府判田推官首領官陳知事申照磨商議扛擡胡廣等尸身還禁令司獄司虛捏病狀却作患病身死行下錄事司貴池縣委官初復樵驄外據胡凱等俱因被打傷重又行虛捏患病三分發下錄事司羈管醫治自二十二日至

二十三日有康環兒王德一強一胡張哥節續身死行
據錄事司貴池縣初復樵驢得胡廣等八名俱係屬腿
受杖傷重血氣攻侵兩後肋連腰致命身死招伏是實
本部議得司吏周崇任所犯欽遇原免合依已擬罷役
標附相應

有領官二名提控案牘申世榮知事陳敏狀招相同本部
議得提控案牘申世榮知事陳敏主領案牘人負各官
不詳明胡凱等所犯不應違例遊街拷掠胡廣八名因
傷致命罪輕原免各降先賊一等通行標附過名相應
推官田克終狀招相同本部議得推官田克終所犯雖犯

人胡廣等因偽雕建康萬戶府印信假寫文引差札同
胡廣等一十二名以捉逃軍為由搔擾百姓詐騙財物
內胡張哥康環兒強一王德一止是今犯為擾民胡廣
陳闌兒等雖有前過其罪亦不至死却不合與本路官
首領官吏省會貴池縣尹黃璋等監押犯人胡廣等各
騎刺馬遊街號令拷打因傷致死入人罪輕原免擬降
先賊一等標附相應

路官四員除總管李桑多推病未招外府判張豐同知懂
兀兒達魯花赤小云失帖木兒各狀招相同本部議得
犯人胡凱等因為雕刊建康萬戶府印信假寫文引差

劄同胡廣等一十二人以抵逆軍為由搔擾百姓詐騙財物內胡張哥康環兒強一王德一止以為從擾民胡廣陳闕兒雖有前過其罪亦不致死本路總官字柔歹不詳事之輕重輒與本路達魯花赤小云失帖木兒省會縣尹黃璋等官監押胡廣等各騎棘馬遊街號令拷打因傷致死入人以此恭詳胡張哥等枉死之由實為路官所致總管字柔歹雖无取到招伏本路同署案驍路吏周崇仁等

招証明白擬合一例斷罪欽遇原免量擬達魯花赤小云失帖木兒總管字柔歹同知懂兀兒府判張豐

各降先戒一等通行標附相應

監押號令官錄事司達魯花赤明里于思貴池縣尹黃璋各狀招伏相同本部議得池州路錄事思達魯花赤明里于思貴池縣尹黃璋所招依蒙本路達魯花赤小云失帖木兒總管字柔歹等官省會及路吏口傳言語將犯人胡凱等一十名監押各騎刺馬遊街號令拷打因傷致死入人罪遇原免量擬各降先戒一等標附相應
虛捏病狀

官醫提領并大椿狀招是實本部議得官醫并大椿所招罪犯欽遇原免擬合革去相應

錄事司典史祝夔司吏程子邁各狀招伏是實本部議得
典史祝夔司吏程子邁各招不應虛申胡廣等因病身
死罪遇原免擬合罷見役標附相應

獄典鄭礼招伏是實本部議得鄭礼所招不應虛捏胡凱
等病死罪犯欽遇原免擬合革去相應

司獄刑文通本部議得刑文通雖取到招伏緣獄典招指本
官署押虛捏病狀案驗明白量擬解見任別求求仕標

附相應

違錯

刑名枉錯新例大德九年九月 福建廉訪司承奉 行臺

劄付近據海北廣東道廉訪司申廉阿羅狀告育男廉酉保

被平小站劉提領決打身死惠州路陳總管等改換尸狀等

事取到總管陳佑等各招詞議擬申乞照詳移准 御史

臺咨呈奉 中書省劄付送刑部照得大德七年正月內承

奉 中書省劄付本部元呈奉省判臺呈廣西道廉訪司申

劉子開告大德五年六月內弟劉子勝買到香貨至八月二

十七日經過遠江務被吳大使用手執木枋將劉子勝決打

身死初復檢驗官臨桂縣尹張輔翼錄事司達魯花赤禿哥

俱各驄作服毒身死取訖各招伏大德六年四月初四日
欽遇釋免除將犯人吳讓欽依釋免追徵燒埋銀兩給付外
據張輔翼等或役令合干部分議擬相應送刑部議得縣尹
張輔翼連魯花赤禿哥所招務官吳讓將劉子勝決打身死
虛作服毒身死回報罪輕釋免擬合依例解見任期年後降
先賊一等放雜賊內任用標附相應都省准擬仰照驄旅上
施行奉此本部擬議到下項事理開坐具呈照詳

一名陳佑狀招欽受

宣命武節將軍惠州路總管兼管内勸農事賊役大德五年八
月二十六日有司吏趙賢輔將到歸善縣申初檢定

驗廉酉保被打血作攻心身死文解本吏对佑覆說
薛經歷道這刘提領是宣慰司刘經歷多曾分付將
來教觀當將文解扣換作因病身死祐有合令本吏
依例追問却不合說經歷行商量又招八月二十九
日歸善縣連魯花赤阿都赤前來府廳前佑共薛經
歷處覆說道趙令史退回廉酉保身死文解扣喚生
前被打後因病身死薛經歷依前分付阿都赤道批
先被打後因病身死就有阿都赤于佑處計稟佑明
知係干人命又不合回对薛經歷道那般是又对阿
都赤只恁地也好又招九月初三日司吏趙賢輔將

元判二十六日文解于佑處呈行下本縣追問不合
依隨本吏覆說文字遲慢將元判改二十四日文解
署押了當罪犯廉訪司先議得總管陳佑即係牧民
之官不以人命為念輒憑經歷薛瑜言語令司吏趙
賢輔將歸善縣達魯花赤初檢得廉酉保生前被打
身死退回作因病身死違錯罪犯欽遇

救恩釋免擬將總管陳佑解見任別行求仕標附過名緣本官
欽受

宣命人員誠恐所擬未應刑部議得總管陳佑所招不合將歸
善縣元申檢驗到廉酉保被打身死文解令本縣換

作病死罪輕釋免量擬解見任期年後降先戒一等
雜職內任用標附相應

一名董瑞狀招欽受

宣命同知惠州路總管府事或役于大德五年八月二十六日
招伏相同罪犯是實廉訪司議同知董瑞所招不詳
廉酉保身死事干人命兩次信從司吏趙賢輔勝隴
署押檢驗廉酉保身死文解違錯罪輕釋免又兼本
官已行得代先已除受廣東道宣慰副使僉元帥府
事即目年及七十例應致仕若將董瑞標附過名刑
部議得董瑞所招情犯如准行臺所擬相應

一名薛瑜狀招所受

勅牒從仕郎惠州路總管府經歷職役大德五年八月二十六日招狀相同又將屍傷改換忤作行人葉祿首告到官罪犯是實議得經歷薛瑜所招明知廉酉保身死干係人命因為阿都赤說稱劉提領等供指廉酉保被小王決打經隔二十二日身死又為宣慰司劉經歷曾行分付將劉提領覲當此司吏趙賢輔將文解退回作被打傷痕平復的係病患身死有阿都赤親行赴府于薛經歷處稟問又不合再令本官若初檢到廉酉保生前被打血作攻心身死文解換作被

打傷痕平復因病身死違錯罪輕釋免擬將經歷薛瑜解見任降一等叙用刑部議得經歷薛瑜所犯將歸善縣元申廉酉保身死文解退回換作病死罪輕釋免量擬解見任期年後降先一等雜職內任用標附相應

一名阿都赤狀招祇受

勅牒進義副尉惠州路歸善縣達魯花赤兼管勸農職役大德五年八月十八日據廉阿羅狀告平山站提領劉玉將伊男酉保決打于八月十七日夜身死阿都赤于當月二十日躬親將引件作行人葉祿司吏羅時

英初樵得已死人廉酉保身尸除灸瘡五痕外左右
肩膀各一痕係拳痕右肋肘側一痕係磕痕右脊背
側連肋第三枝上一痕係他物傷右脊背上一痕係
他物痕批件作行業祿當場對衆定驗左脊背上一
痕為重的係生前因他物打傷血作攻心致命身死
回關本縣開申惠州路照驗于八月二十七日有司
吏徐礼取回總府押過本縣元申樵尸文解言稱趙
知房分付換過定驗作患病身死文解申報以致事
發到官罪犯是實廉訪司議得阿都赤所招係是牧
民官職本官親行初樵得廉酉保的係生前被他物

打傷血作攻心致命身死回關本縣申路續有司吏
徐礼將回總府押過文解言稱趙知房退回換作患
病身死明知干係人命親行赴府稟覆又待信憑薛
經歷等言語因劉提領係是宣慰司劉經歷親眷以
此依隨省會司吏徐礼等扣喚初樵廉酉保生前被
打血作攻心身死改作生前被打傷痕漸已平復因
病身死罪輕釋免擬將達魯花赤解見任降一等叙
用刑部議達魯花赤阿都赤所招不合依隨總管陳
佑等省會扣喚元申驗到廉酉保被打身死尸狀文
解罪輕釋免量擬解見任期年後降先一等叙用標

附相應

一名趙賢輔見充惠州路總管府司吏狀招于大德五年八月十九日承行歸善縣申廉阿羅狀告男廉酉保被打身死公事不合依隨經歷薛瑜語言將初檢文解退與縣吏徐礼于初樵管阿都赤說扣換生前患病身死執覆路官將元判二十六日改作八月二十四日又招既是博羅縣復檢文解遲慢不到自合依例催舉却不合于八月二十六日九月十一日二次不立案聽使訖印批差黃通到政前去博羅縣勾喚到該吏黃庭舉下姚典行吏蕭仲壬使喚人葉三五

令各人計會歸善縣扣喚文解換作患病身死及受訖黃庭舉蕉布三丈二尺浮茶二袋入已用過罪犯是實廉訪司議得司吏趙賢輔所招廉酉保身死明知事干人命不合依隨薛瑜經歷言語將賂官利害歸善縣申到廉酉保生前被打血作攻心身死文解令初檢官吏扣作因病身死又招復檢文解遲慢取要訖該吏黃庭舉蕉布三丈二尺浮茶二袋罪犯欵遇釋免擬將司吏趙賢輔罷役不叙已牒惠州路去訖刑部議得趙賢輔所招罪犯即係刑名違錯重罪既以斷罷別无定奪依例標附相應

一名徐礼狀招見充歸善縣司吏于大德五年八月十八日承行廉阿羅告男酉保身死公事于二十四日移准本縣初檢官達魯花赤阿都赤闕該檢得已死人廉酉保尸傷狀同于二十五日將文解赴府投下了當至二十七日有府吏趙賢輔追照過本縣行卷將元解退回令礼于本縣達魯花赤商量換作病患身死文解申府及打勒取到王元德扶同招詞罪犯是實廉訪司議得司吏徐礼狀招廉酉保身死明知事干人命不合依隨薛經歷等言語將惠州路官押過廉酉保生前被打血作攻心身死文解扣換作因病身死又節次將正元德行打勒令扶同詞因曾行打廉酉保身死違錯罪犯欽遇釋免擬將徐礼罷役不叙移牒本路照會去訖刑部議得徐礼所招罪犯廉訪司既已斷罷別元定奪

一名蕭仲壬狀招係博羅縣待闈人吏勾當于大德五年八月二十日本縣差仲壬根隨達魯花赤忤哥察兒前來歸善縣裡水坊復樵已死人廉酉保驗得本屍傷目相同回闕本縣照驗去後不合從府吏趙賢輔省會仲士使喚人葉三五計會歸善縣抄寫到改換廉酉保的係患病身死檢目不令縣官得知私扣換

文解申府了當罪犯是實廉訪司議得蕭仲壬狀招
无俸人吏根隨覆檢官忤哥察兇前去復檢到廉酉
保生前被打血作攻心身死文解申府不合依隨趙
賢輔言語改換廉酉係因病身死不令縣官知會
私自扣換文解申府罪犯欽遇釋免擬將蕭仲壬革
去移牒本路照會去訖刑部議得司吏蕭仲壬所招
罪犯既廉訪司斷罷别无定奪

長官擅斷屬官皇慶二年三月 日

福建道宣慰司准

本道廉訪司牒該准仰武略牒呈皇慶元年十二月十
八日差建寧縣主簿雷潤押運鈔課赴宣慰司交納本官

推故不肯押運就公廳高聲惡言吃哮不有上下抵觸官
府取訖雷潤短狀招伏在官理宜懲戒伏請照詳准此照
得近承江浙行省准中書省咨御史臺呈江北淮東道廉
訪司申承奉御史臺劄付各路府州司縣官員陞軍情緊
急大事遲慢取問明白招狀受

勅官聽候都省區處照得即日軍民各軍无調遣所辦課程
稅糧最為大事俱有常限各處路官少得正人禁之猶恐
以私害公非理凌辱司屬之官官詳遲慢軍情緊急大事
的決路官若欲虛人何事不為緊急大事畧舉今歲清明
節假揚州路達魯花赤牙里為監倒昏鈔泰興縣主簿郭

仁出離鈔庫斷罪七下又因吃嗜枷收數日後斷七下如此大暴又有諸衙門差人州縣催促公事就斷正官去人死不陪取看詳職官公罪甚多合死比附至元六年都省元行刑部見擬受

勅官除捕蝗遲慢不測掩捕大寇違慢各路量情斷決余有違慢內郡申部餘申行省禁約諸司差人就斷正官之令事關通例具呈照詳都省除已劄付御史臺依已行事理施行外仍令禁約各路官司却不得因以小事為大事常事為急務織羅受

勅職官非理斷決若獨員按臨去處果有違誤軍務大事不

得擅斷取訖明白招伏會議決罰咨請依上施行

縣官擅斷軍事皇慶元年二月 日 福建道宣慰司奉

江浙行省劄付准 樞密院咨迤抵左衛呈百戶田榮

等申通州路縣于縣令張縣尉等不行的會將修理倉廩軍人李順斷訖三十七下本人見行杖瘡舉發腫亂醫工看治得此差獄曲出賽甫丁等前去將各人勾喚到官送抵斷事官呈取責到一千人等招詞數內縣尹干澤狀招既是通州路縣尹職役于至大四年七月二十七日有李賢執批行充軍人李馬兒告稱用老酒將伊頭上打破令醫工相驗得李賢頭上斜左被傷一處斜長一寸三分濶

三分是實取訖証見曹李馱兒面對依例取要辜限文狀
又既蒙累降

聖旨即該軍民相犯賊情人命等重罪過交管民官歸問其餘
家田土闖打相爭輕罪過的軍民官約會着問者欽此亦
合依例約會軍官一同歸問新罪却不合令王大嫂曹寬
典李馱兒面對及不取要辜限文狀亦不候李賢見帶傷
瘡痊可却取訖浮平痊可准伏又不欽依約會管軍官擅
將軍人李馱兒斷訖三十七下又招于閏七月二十三日
聞知又發有司吏孫得榮賈到典史先行書卷完備虛將
扣捏到三決移闈約會管軍官案劄檢目公吏人等到狀

不合書押了當又不合于議劄子止判寫三十七下字樣
合得罪犯是實及責得縣尉張礼典史李仁司吏孫得榮
弓手李賢共于澤所招相同擬縣尹于澤四十七下縣尉
張礼三十七下典史李仁四十七下司吏孫得榮五十七
下弓手李賢二十七下本院官于至大四年八月初十日
奏通州管轄的潞縣官為李順小名的軍人毆打李賢名字
人來麼道不令面對信從一面詞說將軍人斬訖三十七下

世祖皇帝

完澤篤皇帝

曲律皇帝聖旨裏軍民相犯呵除重罪過外其餘勾當典軍官

一同約會着歸問者麼道

聖旨有來他每明知不約會軍官一面將軍人斷訖之後却說約會軍官不到麼道虛捏押下文案无体例有戒諭多人頭的打四十七下餘的依着資決斷他每罪過呵怎生奉呵奉

聖旨那般者今後休似這般交軍人每生受恁通行各處者欽此官例檢屍違錯皇慶元年四月袁州路奉江西行省劄付近據龍興路民戶劉嘉告本路有過府吏龐世元故違通例倒題目日將寧州土吏王汝椿陞補路吏朦朧申省遷調得送據理問所照勘得王汝椿先充龍興路新建縣

吏檢屍違錯罷役不叙復充州縣司吏二十八個月就補路吏本省為本人名役不見是否應例有无窒碍移准中書省咨送據刑部呈新建縣吏王汝椿檢尸不明照得大德六年三月二十九日奉省判本部呈山東宣尉司關濟寧路鄒平縣歸問到王伴兒與喬小馬等毆燕喜兒將王伴兒踢死移委吏路推問得王伴兒委因上樹壓折樹枝掉下斃死衆証明白本部議得燕喜兒元招用脚穿靴隻將王伴兒踢傷身死再行歸問得王伴兒委因上樹掉下斃死其一千人等指証相同取訖苦主王阿刘等虛告招伏合准司宣慰司所擬將黃喜兒欽依

詔恩釋免先追燒埋銀兩四定擬合同付外據初樵官郡平
縣尹張亨典史宋宥等所招黃喜兒兄黃成既曾告說王
伴兒壓折樹枝掉下斃傷身死不即究問又不親監樵尸
以致作作行人陳全將王伴兒作踢打所傷身死輒憑取
訖黃喜兒曾用脚穿靴隻于王伴兒右腮連耳并交當內
不便屢踢傷身死各人罪犯已經釋放將縣尹張亨量擬
降先職一等期年後別叙典史宋宥司吏劉居敬罷役不
叙相應今蒙都堂議得准擬連送刑部依上施行奉此除
遵依外本部議得王汝椿所招罪犯即與劉居敬所招一
體既行省已將本人革去合准所擬不叙相應 都省准

擬咨請依上施行

官典刑名違錯皇慶二年十一月江西廉訪司奉

江南行臺劄付廣東道廉訪司申審錄廣州路罪囚數內
番禺縣一起梁伶奴等因爭田土互相爭打蔡敬祖羅二
謝景德身死等事初檢元問官縣尹馮廷傑等檢驗違式
變亂事情縱令吏帖私下取問出脫真情移推博羅縣歸
問得實照出違錯事理取訖縣尹馮廷傑典史孔鎮材各
各招伏罪輕原免擬合解任罷役別行求仕得此移准
御史臺咨呈奉 中書省劄付送擬刑部呈逐一議擬于
後具呈照詳得此都省准擬仰依上施行

縣尹馬廷傑招伏至大四年四月初二日准本縣關蔡
阿陳其梁伶奴等因爭田土將蔡敬祖打死將引司
吏周郁件作行人杜通于停屍去處呼集尸親杜甲
被告一千人等眼同初檢得已死蔡敬祖沿身上下
除輕傷不係致命外右肋一痕係他物痕皮不破血
不出滲黑色橫量長二寸八分闊九分的係致命身
死自合當場窮問端的何人行克取責明白招伏追
究器仗比對痕傷令正犯人于尸帳上画字不合輒
憑梁伶奴與戴壽安五推不招故違省部元降体式
于尸帳內正犯人名下擅添被告人三字令梁伶奴

戴壽安等享神吃酒伶奴用本棍于蔡敬祖右肋打
着身死不合不行躬親追究轉令司吏貼書人等私
下取問教令蔡元卿虛指已死謝景德用木棍將元
蔡敬祖右肋打訖一下倒地元卿嗔恨用木杷頭將
謝景德打死又不合信從梁伶奴止招用鎗扎傷魏
季一結諱不招打死蔡敬祖罪犯招伏是實本部議
得番馬縣尹馬廷傑所招除輕罪外止以初檢蔡敬
屍傷右肋他物一痕的係致命不行用心研問輒憑
梁伶奴等互推不招故違元降尸傷体式于正犯人
下擅添被告三字令梁伶奴等于下画字移推博羅

縣問得梁伶奴用木棍將蔡敬祖右肋打着身死本縣歸問之初馬廷傑係是正官明知刑名重事不行躬親推究轉令司吏貼書私下取問故縱取受正犯人梁伶奴賍賄教令蔡元卿虛指眼見已死謝景德將兄蔡敬祖打倒蔡元卿用木杵頭將謝景德打死及依從梁伶奴止招用鎗扎傷魏季一不招打死蔡敬祖情由如此捏合出脫梁伶奴打死蔡敬祖情罪原其所犯即係刑名違錯罪過釋免此例合依廉訪司所擬解見任別行求仕標附相應

典史孔鎮材招伏是實刑部議審禹縣典史孔鎮材所

招除輕罪外止以蔡阿陳告梁伶奴爭耕田土將夫蔡敬祖打死此時孔鎮材因事被問還役卷內明見縣尹馬廷傑初撫蔡敬祖尸傷右肋致命一痕馬縣尹不行窮問明白追究克伏違例于尸帳正犯入下擅添被告人三字令梁伶奴画字不行疏駁輒與備申總府在後博羅縣問得的係梁伶奴將蔡敬祖打死明知刑名重事不合轉令該吏楊棟等私下取問故縱受賍教令蔡元卿虛指眼見已死謝景德用棍將兄蔡敬祖打倒蔡元卿用木杵頭將謝景德打死依從梁伶奴止招用鎗扎傷魏季一不招打死蔡

敬祖實情如此串套捏合出脫梁伶奴殺人情由原其所犯即係刑名違錯罪輕釋免若依本道肅政廉訪司所擬見投別行求仕標附相應

皇慶二年十二月江西廉訪司准龍丹路牒呈奉江西行省劄付准中書省咨來咨龍丹路申劉嘉告王汝椿新建縣吏樵驤丁清九打死張辛六尸首受錢作獎出沒致命虛稱因病身死蒙廉訪司取訖王汝椿招詞斷五十七下罷役在後本人隱下前過朦朧告叙陞轉龍丹路臨江路司吏有此不因告乞施行得此行批理問所招得王汝椿充新建縣司吏檢尸違錯取訖招伏議斷間為

是添設司吏例草在閑申奉省劄擬將本人新訖五十七下罷役如委在閑別無定奪本所議得既非賍私理難不叙况兼既斷之後復充州路司吏宜從省府詳酌得此又據樵校過上項文卷議王汝椿檢尸違錯雖非賍私終是人命違錯擬合草去得此劄付臨江路將本人罷役聽候却擬王汝椿狀告前充新建縣吏檢尸違錯取問間為係添設司吏无俸例草在閑告蒙龍丹路發充寧州司吏節次陞轉到路通前歷俸五十二月前項初復樵驤官俱已得除見役勾當今惟獨將汝椿罷役委實不公告乞施行得此本司看詳初復樵驤張辛六尸首縣丞王珍等俱

各對品遷除去訖今次止擬王汝椿一名不叙其餘官即係一体咨請照詳准此送刑部議得臨江路司吏王汝椿大德六年充龍興路新建縣元俸司吏因隨縣丞王珍檢驄張辛六尸傷不行躬親監臨以致作作行人隱下傷痕刑名違錯本路申奉省札已將本人斷決五十七下罷役于大德八年告叙復充進賢縣司吏請俸一十一月轉充寧州司吏二十七月龍興路取充府吏六月次遷臨江路吏八月通前歷俸五十二月以此咨詳王汝椿先充新建縣元俸司吏樵尸不明行者斷罪罷去數年之後告叙到今一十餘年又累經欽遇

詔勅元犯既死賍私難以終身不叙合令依舊勾當具呈照詳得此都省准呈咨請依上施行

違慢

巡檢有失巡捕至元三十年二月

江西行者龍興路烏

山巡檢賈義招伏程倉官被賊劫殺本司相離五里餘路
承告報後不合將引弓手于程倉官家看踏蹤跡以致衆
賊逃走又招丁上舍被賊七十餘人劫掠不合不行粘蹤
追捕以致賊人走透致煩調軍于寧州捕獲到戴千八等
罪犯省府議得除將本處巡檢名缺別行選差相應人員
補替外擬巡檢賈義擬三十七下合下仰遍行照會以為
懲戒

收捕推病回還至元三十二年正月江西行樞密院准

樞密院咨至元三十年十一月二十三日

紫檀殿內本院官奏月的迷失俺根底與將文書來南安有的翟壽小名的萬戶交他收捕草賊去呵不去收捕推病引着軍回來了有那草賊根底却交別人去呵不去收捕為翟壽不收捕草賊上頭要了招伏說將來有俺商量來他的罪過欽遇

赦恩免了也者他的職事罷了不揀幾時休教做官擬定來麼道奏呵那般者罷了官職交他這裡來者麼道聖旨了也欽此

不即收捕罪例元貞元年湖廣行省劄付准 中書省咨

河南行省咨稟巡警盜賊事理送刑部議得捕盜罪賞已有定例所批強盜行劫之際官府承告或是聞知不即收捕捕盜官杖五十七下解見任別行求仕達魯花赤長官以下量決三十七下然此治盜禁防之法不可不備合令本路官府與各道廉訪司從長講究定擬如蒙准呈相應具呈照詳得此都省准呈咨請依上講究施行
收捕不救援例大德三年六月行臺准 御史臺咨江西道廉訪司申瑞州翼千戶范震永新縣尉周鐸收捕草賊不行救援被賊殺死喬百戶馮巡撫等呈奉 中書省送刑部議得千戶范震簿尉周鐸被差收捕耗賊共百戶喬

林等殺死聞知不即追襲情犯深重罪遇
詔恩原擬量擬罷職不叙依例附標都省移准樞密院咨合
准刑部所擬咨請照驗施行

起解昏鈔違期罪名元貞二年正月御史臺咨承奉 中

書省劄付據戶部呈照得各路平准行用庫倒換昏鈔隨
即使訖退印配成料例每季不過次季孟月十五日已裏

起納呈奉到中書省劄付擬到違限不起昏鈔罪名違期

一季提調路官罰俸一月首領官的決七下司吏庫官一
十七下州官決七下首領官一十七下司吏庫官二十七
下二季提調路官罰俸二月首領官一十七下司吏庫官

二十七下州官一十七下首領官二十七下司吏庫官三
十七下三季提調路官罰俸三月首領官二十七下司吏
庫官四十七下都省准擬仰依上施行

人民餓死官吏斷罪不即賑救延祐五年三月十七日江浙行省准

中書省咨御史臺呈成州人民鬪食本州不即申報賑救
以致死亡流移取訖當該官吏違慢招伏看詳同知康惟
忠等賤居牧民撫字乖方適值人民缺食不即賑救致有
流移死亡甚失牧民之道以此恭詳若便區處別死所守
通例具呈照詳得此送據刑部呈照得大德七年四月十
三日御史臺承奉 中書省劄付本臺呈監察御史呈大

寧路惠州人民鬪食本路官怠慢五个月餘不行踏驗取
訖見在官吏招伏本臺看詳大寧路等處人民鬪食餓死
宜早賑濟外拘總管哈魯等不即申報災傷罪犯本部議
得總管哈魯量擬三十七下過七十依例贖罪府判馬謀
二十七下各解見任降先賊一等提控案牘姚子淵三十
七下罷役不叙都省議得提控案牘姚子淵所犯量決三
十七下罷見役期年後降先賊一等餘准部擬令承見奉
本部議得成州同知康惟忠等所招本管人民遭值飢饉
鬪食不即申報賑濟以致流移餓死人口罪犯比依量擬
同知康惟忠三十七下州判黃文德三十七下各解見任

降先賊一等吏目趙克讓司吏張惟福三十七下罷見役
期年後降等叙用相應具呈照詳得此都省准擬除外咨
請遍行合屬依上施行

非違

縣官扯謔部民妻延祐五年承奉

中書省咨至大四年七月刑部呈准修武縣達魯花赤伯不花將部民妻阿玉扯粹戲謔決六十七下罷見役降二等雜職內叙用

縣官強娶部民小妻延祐五年承奉

中書省咨延祐元年十月刑部議得瑞昌縣達魯花赤屯屯不憑媒妁令梯已人春奴前去故張州判妻阿尚家求娶伊夫小妻馬望兒為妻為是不從帶酒自行前去求問扯定求奸甚失牧民之体決五十七下遇免解任雜職內

用都省准擬

軍官恣逞威權延祐五年承奉

中書省咨延祐二年七月臺呈千戶劉源輒憑軍人何宥口告軀戶趙寺家駟不出軍錢擅將十三歲幼弟常住馬行枷窰釘及將海阿王與王告人何宥連鎖省會本人收繼致令何宥强行奸污刑部議千戶劉源恣逞威權杖決八十七下除名不叙都省准呈

違例

禁刑日問因罪例元貞二年九月

江西行省准本省左

丞咨贛州路貼書劉慶益典馮發人史秀于八月二十三

日將賊人鍾大肚王三閏仔吊縛跪問喚責得該行李珍

狀招不合不体八月二十三日禁刑日令貼書劉慶益問

因劉慶益狀招不合依從司吏李珍前去取責賊人王閏

仔詞因令牢子王富將本賊縛吊跪問馮發人史秀等人

牢子王富狀招無異除取訖經歷王世暉有失關防招伏

將本官司吏馮發人等責罰外擬該吏李珍狀招伏違例

罪犯擬將本人斬罪罪役行人本路照依廉訪司牒內事

理選保貼書二名其餘人數革去外咨請禁治准此

禁刑日斷人罪例大德元年十月江西湖東道廉訪司奉
行臺劄付來申建昌路南城縣藍田巡檢夾谷德禎招伏
于五月初四日

乙丑日將弓手殷祥周順各決一十七下罪犯量決三十七
下還賊憲臺看詳夾谷德禎所招罪犯量決二十七下還
賊勾當仰照驗施行

昏鈔不使退印新例元貞二年八月江西行省擬吉州路
申省委官廉訪司官歸問到平准行用庫提領李成大使
程福庫子等將倒到昏鈔內中統鈔四定四十三兩四錢

不于正面使用退印及中統一十定四十三兩至元二定
一十二兩七錢七分全不使用退印罪犯移准 都省咨

該送刑部照擬得李成等斷杖五十七下別行求仕標付
相應都省准擬擬庫子人等就便新遣

多收工墨除名大德七年正月十三日行臺准 御史臺

咨來咨浙東廉訪司申温州路稅司交收課程庫子汪鼎
告平准庫大使韓溥招伏不合擅移本庫鈔本三定借典
府吏張礼私已用度後却有本人准還銀子虛捏客人投
賣姓名報官及多收庫子汪鼎等倒鈔工墨中統鈔六定
三十九兩七錢四分八已罪犯徵贓未足間照依分間輕

囚例將本人免斷除名各請照詳事准此呈奉到中書省
劄付刑部照得二十四年三月內尚書省欽依

聖者定到宝鈔條畫內一款節該禁治勢要之家并庫官人等
自行結攬多除工墨沮壞鈔法違者痛斷庫官違犯斷罪
除名欽此議得既行臺元問韓溥文奉封架瓦憑照勘止
批所招于庫子汪鼎等多取上墨中統鈔六定三十九兩
七錢四分八已即係庫官罪犯非輕原免如准臺擬除名
標附相應都省准擬仰依上施行

禁差使多取分例至元二十九年十一月行御史臺准

御史臺咨據西蜀四川道廉訪司申劍州普安站告樞密

院差去官布多要分例又將帶訖本站官被一張非理
搔擾不公取到布多招伏憲臺議得百戶布多量決三十
七下解見任別行求仕遍行禁治去訖今承見奉本部議
得和林省郎中陳政員外郎忽辛管勾孫英提舉張吉等
所招因赴和林之任不合打拷站官人等多要分例羊口
又用鋪馬乘駕車輛等罪欽遇原免比例擬合解見任別
行求仕標附相應具呈照詳都省仰依上施行

私役

百戶王伯川役死軍江南諸道行御史臺准

御史臺咨四川道肅政廉訪司申百戶王伯川狀招因為
修理行省趙平章住宅將引巡軍徐全等一十三名前去
遇仙橋搬取竹子既各人各說不會水手不合將徐全噴
恨要打抑逼各軍將竹子止于河內駕放下流以致竹筏
將徐全水滄死罪犯罪輕釋免挺王伯川賊役燒埋銀呈
奉中書省劄付議得王伯川雖有招涉終死故殺情理
罪輕原免難議追徵燒埋銀兩承此本臺于大德二年六
月初五日

奉過事件內一件四川道廉訪司申將來管軍官百戶王伯川名字的人差着官軍交他管着修蓋省官位的房子來河裏運竹子呵軍每不會水押逼着交水裏去來這軍裏頭淪死人徐全名字的人罪過呵該大德改元

詔書已前他的戰事及燒埋錢合做体例麼道呈省去來回將文書來燒埋錢休交追者俺商量來近年以來軍官每為私已的勾當係官軍人根底奴婢一般使有這管軍百戶王伯川根底做一介体例罷見賊依例追徵燒埋錢給付若主已後軍官每私使軍人或因他的工役死了的有呵斟酌輕重要罪過罷見賊追徵燒埋錢這般做体例禁

治行可怕的一般奏呵那般者

聖旨了也欽此

萬戶壽童淪死軍大德七年四月二十四日江西廉訪司

承奉 行御史臺劄付准 御史臺咨來咨備廣東廉訪

司申惠州路總管陳祐等狀首勸和陳温告論鎮守萬戶

壽童違禁時月打圍淪死軍人張二議得壽童所犯若依

王伯川例解見任追徵燒埋銀兩伏慮未應准此大德七

年正月二十六日

奏過事內一件廉訪司官人每監察每問的招了的死体倒要肚皮來的避罪在逃的部官管民官管軍官運司官臣

官管匠官等一十五個人這的裏須他每的罪過遇赦免了

的九個人
赦後合斬罪過的六個人這的每根底勾當裡永不叙的罷見戰的殿三年委付的依旧委付的注边遠的雜職内委付的依旧立定的

聖旨体例裏行呵怎生奏呵那般者麼道

聖旨了也欽此

赦前鎮守惠州萬戶府達魯花赤壽童解見任追徵燒埋銀兩咨請欽依施行

民官役民致死大德六年六月行臺准 御史臺咨萬安

縣尹宗子文得替閑居持世豪霸擅差民戶挑搬壕深修築花園土崩壓死謝再九等六名擬合罷職不叙倍徵燒

埋銀兩給付屍親請照詳呈奉 中書省送刑部照擬得宗子文所犯若准行省所擬除名不叙倍追燒埋銀兩并

各人役過工錢給付各主遍行禁治都省咨請依上施行

牧民官私役滄死人夫至大元年九月行臺准 御史臺咨備江南湖北道廉訪司申准沅州路慈陽縣牛郁達魯

花赤伯顏大德九年署押批貼買楠木令主首楊万四祇候蔣仲差倩船夫裝載船沉滄死黃晚等三人取訖各官

招伏罪輕原免比例解任標附過名均徵銀錢給付苦主

相應咨請照詳准此呈奉 中書省劄付送刑部議得縣尹牛郁達魯花赤伯顏取居牧民不以抚字為務貪圖黃晚江漲撈截楠木署押批貼分付主首楊万四祇候蔣仲差倩船夫取運致將黃晚等三名滄死罪輕原免擬令依例解見任于各官名下倍徵燒埋銀兩給付苦主標附相應都省准擬除外仰照懸施行

防禁盜賊私役弓手 大德七年十月 日江西行省准

中書省咨御史臺呈山東道廉訪司申本道地面自大德六年三月初三日已後到失失過盜賊二百六十餘起蓋是捕盜官員多非其人不用心警捕不嚴致令盜賊恣

亂行擬奉使宣抚呈行下本道宣慰司牒請到肅政廉訪司趙僉事後長講究到方禁便益送刑部議擬到各項事理都省逐一區處于後咨請依上施行

一不許別行差占弓手及騎坐弓手馬足

朝省雖有禁例別无定到罪名所以各處官府无所畏懼廢不舉行今後若有占役使或騎坐弓手馬足人員比附軍官占役軍人例定罪所管官司依隨應附者共同罪弓手人馬既无差占常切在役捕盜官每日聚點在城邑者各分坊巷巡防在鄉村者亦時依時巡警遇有被盜去處隨即併力捕捉庶幾

易為敗獲少有生發仍禁約弓手先得擅自下鄉
擾民本部議得今後各處弓手合依所擬除巡防
外諸衙門不得別行差占役使及騎坐弓手馬足
違者照依役使軍人例斷罪本管官吏應附者量
情科斷除依已擬相應

前件議得各處弓手本為盜賊差役其官吏却行影
占役使及騎坐馬足實妨巡捕今後除例應公差外
若有私役弓手者決二十七下三名已上加一等騎
坐弓手馬足者決一十七下標附過名本管官吏不
應附者各減一等科斷餘准部擬

擅科

民官影占民戶至元九年御史臺提刑按察司申察到太
原路平晉縣隱藏閩一等一十一戶取到本縣官吏招伏
呈奉 中書省劄付該送戶部議得連魯花赤押里正縣
尹孫義所招罪犯各擬罰俸一月主簿趙充讓所招擬罰
半月司吏郭瑞所招罪犯擬將本人笞四十七下依旧勾
當都省准擬除外仰行下各道提刑按察司更為体察施行
又至元二十年御史臺咨批河北河南道提刑按察司申
察知鄭州花赤管城縣官將軍民戶耿順等占破令各戶
供送柴草粟麥等事取到各官招伏呈奉 中書省劄付

送刑部議得如不係

格後擬決下項杖數仍解見任期年降先戒一笞叙用承此
咨請如有占破戶計用心体究施行

鄭州達魯花赤紐憐係蒙古人氏狀招占破軍民人戶
耿順除免雜泛夫役令各戶供送訖小麦二十七石
一斗粟一十九石八斗白米五升大麦一石稻谷一
石大紙一千五十張柴四百五十个草七百七十个

罪犯決二十七下

晉城縣尹李濟狀招占破張順等一十五戶供送訖小
麦六石六斗粟六石白米一石黑豆一石草六百三

十斤粉一裹斜皮一付及科典軍戶計置抄造曆日
紙罪犯決二十七下

又至元三十年御史臺咨拋山東廉訪司申益都路軍戶
王讓告本司達魯花赤忙兀歹隱占張螺子等三戶每月
供送油三斤柴三駟菜二筐照依逐月時估追到中統鈔
一百三十八兩三錢三分先行給付各戶收訖取到本官
招伏是實得此本臺議得忙兀歹所招擬決三十七下解
見任別行求仕除外咨請行下合屬禁約常切体察施行
禁影占富戶不交當差至元二十八年行省准 尚書省
咨准江浙行省咨本省所轄地面寬濶人民衆庶事務繁

多軍民弊病多端戶口貧富不同体知得諸衙門及權豪之家將富工民戶恃勢影占不當差役却令供辦草料柴薪菜蔬等物或充祇候面前私自占使凡有公家差役交充力小民替代迤漸靠損未便咨請

聞奏事准此于至元二十八年三月二十五日

奏遇事內一件前者江淮有官人每與將文書來但勾當裡行的官人令史勢要人每將富戶影占着不交當差却交貧民當差生受有禁約的

聖旨共者麼道

聖旨有來俺商量如今交新去的省官人每根底委付將去呵

中也者奏呵那般者麼道你行文書者麼道

聖旨了也欽此

虛妄

虛報災傷田糧官吏新罪皇慶元年五月 行臺准 御

史臺咨奉 中書省劄付戶部呈奉省判江浙省咨近據

各處申報到至大三年水旱災傷官民田土二萬三千四

百八十頃三十四畝一分五厘一毫一絲該糧二十九萬

六千一十一石一斗八合州縣官檢踏是實路府正官復

踏相同移准監察御史各道廉訪司牒體覆得除實災田

土二萬二千二十五頃三十三畝三分九厘八毫七絲八

忽糧二十七萬七千二百六十九石七斗五升八合外體

覆出冒破災傷復熟等田一千四百五十五頃七分五厘

二毫三絲二忽該糧一万六千七百四十一石三斗五升
得此照得至元二十七年二十八年平江路吳江等縣正
官虛報災傷田糧取到官吏招伏移准都省咨文其罪雖在
格前亦合黜降又准 都省咨該得替已招人員通行議罪
外今後似前虛申作弊斷罪黜降已今遍行去訖拋前項
冒破災傷路府州縣正官若便取問緣在

格前事理例合黜降于至大四年六月初七日依例標附過
名行下各處如各官任滿于解由內明白開寫外本部議得
國家經費錢糧為重人戶申告災傷恐有不實委自路州府
州縣正官檢踏是實然後行移廉訪司依例體覆今既體

覆出冒破田土該糧一万六千餘石合准江浙行省所擬
如擬定傷若有似前虛申冒破即將元委檢踏官吏依例
斷罪任滿于解由內明白開寫以憑黜降如蒙准呈遍行
合屬照會相應具呈照詳都省仰依上施行

官吏檢踏災傷不寔延祐二年六月行臺准御史臺咨來
咨浙西道廉訪司申准分司牒體覆出湖州路德清縣伏
熟田二頃八十三畝二分五厘米三石六升一合七勺九
抄移准湖州路牒到檢驗官吏招伏本臺看詳若便斷罪
終无通例呈奉 中書省劄付送刑部議得湖州路德清
縣尹杜沅司吏宗元善所招虛踏災田二頃八十三畝二

分五厘除破官糧三石六升一合七勺九抄罪犯係皇慶元年十月二十九日以前欽遇原免依例標附今後似此若不分別輕重點降似為不倫以此恭詳各處官吏檢踏災傷不實冒破官糧受財者以枉法論不實受財檢踏不實者驗虛報田糧多寡臨時斟酌定罪相應具呈照詳都省依上施行

刑部卷之十七

典章五十五

雜犯二

脫囚

脫囚監罪例至元三年六月平陽路弓手鄭進監送賊人謝素僧沿路在逃罪犯法司擬減罪囚二等合徒二年部擬決七十七下

又至元三年六月中都路申巡軍馬百戶候甫賚實封文字前去真定路捉獲偽鈔劉皮有合典本處添差弓手監押到真定府交割却不合轉分付弓手孟進監押以致在逃罪犯法司擬急慢事重杖八十部擬量決四十七下

又至元三年八月河間路為強盜劉千奴劫獄在逃押獄
閻聚七十七下牢子陳德石聚各六十七下司獄劉義四
十七下提調官罰俸兩月

又至元三年九月東平路申禁子張昇等失囚走訖殺死
王重四賊人陳天佑 部擬斬禁子張昇管平各七十七
下首領李旺宗各五十七下

一起大都路歸問得昌平縣祗候人劉順招伏因為監押
信萬奴申來本縣歸問打傷人民公事訟途不為用心以
致信萬奴自抹身死欽遇

赦恩將本人疎放了當部擬得信萬奴雖是自抹身死蓋為

劉順不為用心監看罪犯欽遇

赦恩別元定奪外擬被死茔葬之資擬于劉順名下徵鈔五
十兩給付苦主呈奉到 中書省劄付依准所擬施行

縱囚

牢子私縱配囚行劫民洗大德十年十月御史臺咨批河北河南道廉訪司申白沙提舉司管下東張治牢子宋僧住將配役賊徒陳福吳等所帶鐐鑰脚鐺取去故縱在外持仗強劫良民財物却行還禁知情分贓等事呈奉 中書省劄付送刑部議得東張治牢子宋僧住將配役賊人陳福吳等八名取去各帶鐐鑰脚鐺縱令在外強盜張澤銀頭面等物一同分贓合咨行省令有司併勘完備依例結案設法關防一節從本省講究就便施行所擬提舉司并銜治所官吏有失關防以致牢子縱令配囚行劫民財罪犯

如蒙劄付御史臺行下本道就便究治相應具呈照詳都
省除外仰依上施行

禁子受錢縱囚在逃延祐四年四月江西行省准

中書省咨江浙省咨福州路申司獄張守仁不為用心鈐
束見禁輕重罪囚以致牢子謝伯高等受要在禁囚徒錢
物縱容罪囚林榮公等一十七名脫獄在逃後將元逃賊
徒全獲還禁等事取訖本官招伏罪遇原免本省看詳司
獄張守仁或專刑獄不為用心鈐束禁子將見禁罪囚依
例牢固收禁以致牢子謝伯高等受訖在禁囚徒錢物縱
容重罪林榮公等一十七名脫獄在逃俱已捉獲還禁本

官所招罪犯擬笞決四十七下解見任別行求仕今奉使
宣撫却以終元定例罪遇原免改令張守仁還職比典本
省元行不同別元遵守通例咨請照詳准此送刑部議得
司獄張守仁所招不合不為用心鈐束以致牢子謝伯高
等受要在禁囚徒錢物縱容重囚林榮公一十七名脫獄
在逃後將元逃賊徒全獲還禁以此叅詳張守仁所招雖
是不為用心鈐束却緣本官患病在家又兼脫獄囚徒全
獲還禁別難議罪又遇

詔赦擬合比例令本人還職今後主守不覺失囚者減囚罪
二等若囚反獄在逃又減二等皆聽給限一百日追捕如

限內能自捕得或他人捕得若囚已死及自首皆合免罪
即限外捕得及囚已死或自首者各又減一等提牢官各
減主守罪三等故縱者不給捕限即以其罪之其未斷
決能自捕得及他人捕得若囚已死及自首各減一等如
蒙准呈遍行遵守相應具呈照詳得此都省議得主首不
覺失囚者減囚罪三等若囚及獄在逃又減二等提牢官
各減主首罪四等故縱者與囚同罪若受贓多者從重論
至死者一百七徒三年餘准部擬咨請遍行依上施行

放賊

弓手受財放賊元貞二年十二月湖廣等處行 中書省
劄付該差官審斷常德路見禁罪囚數內強盜一起李丑
兇招伏行劫楊三各家財物打傷事主有弓手周百六捉
拿要訖中統鈔二十兩脫放并責得周百六名大椿招伏
相同捉周大椿所招罪犯不魯斷通依例乞照詳得此省
府議得周大椿所招受錢脫放強盜賊徒李丑兇罪犯決
杖一百七下罷役元受贓鈔徵解沒官劄付常德路外依
上施行

賊官受財放賊大德元年御史臺咨批河北河南道廉訪

司申許州臨隸縣達魯花赤平州八撒兒狀招至元三十年十一月內盤獲強打栢鄉縣館驛內官錢人趙七十等四名要訖各賊中統鈔二百五十六定一十兩內平州八撒兒分訖鈔一百五十六定一十兩汴梁路于各人名下追徵數足申乞照詳事得此本臺議得平州八撒兒所招放賊分使贖鈔一百定折至元鈔一千貫依枉法例已是任滿擬合除名不叙呈奉 中書省劄付送刑部議擬回呈係大德元年二月二十七日欽遇

赦已前事理本部參詳平州八撒兒所犯合准御史臺議擬除名不叙

番禺縣官保放劫賊皇慶三年正月江西廉訪司奉 江南行臺劄付准 御史臺咨來咨廣東廉訪司申至大四年十一月初七日照過廣州路行卷事主唐至明告回：番禺客五人帶領小廝及不得名賊人二十餘名各執鎗刀跳過船上先將蔡梢等九人殺死劫奪財物鈔定等事行移隣境官司根捕賊徒其番禺縣既于十月初七日拿獲賊韓天佑等一十一名及回：火者及等追捕真贓仗到官本縣不即取問反受賊人大者及飾詞托病一分保管出外縱令在逃為此取訖番禺縣達魯花赤馬兀台違錯招伏擬解見任別行求仕本臺看詳事干通例宜從合干

部分定擬咨請照詳呈奉 中書省劄付送擬刑部呈議
得番馬縣達魯花赤馬兀台所招至大四年十月初九日
東莞縣關報唐至明告同：番客五人及不得名賊人二
十餘人殺死徐幹等九名行劫財物燒毀船隻本官捉獲
賊人韓天祐等一十一名同火者及并黑同：四人贓仗
到官其賊人韓天祐明指火者及為首糾合上盜不合輒
便聽從火者及所告飾詞占怯一月有餘不行發付東莞
縣併勘又信從本賊托病一分便行保放縱令在逃廣州
路再行捉獲發付東莞縣追勘以此恭詳馬兀台既居牧
民兼攝捕盜輒將已獲賊人燒船強劫首賊火者及不行

牒發官司併勘占怯一月有餘托病保放縱令在逃既是
前賊復獲罪過原免量擬解見任別行求仕標附相應照
詳得此都省仰依上施行

刑部卷之十八

典章五十六

闡遺

断例

七下

一十七

二十七

三十七

縣官隱占

在家

寺蘭人口

使喚

標注私罪過名

隱占寺蘭

奚鷹犬背

决

断没一半

地飛放的

去失馬入

諸人收住 一日 二日 三日
不送官者

送兵馬司令人識認

字蘭奚

〔拍收字蘭奚人口〕 二款中統五年欽奉

聖旨條畫內一款該諸處應有字蘭奚人口頭足等從各路府
司收拾仍將收拾到數目于應收置去處收置限十日以
裏許令本主識認如十日以外作字蘭奚收係每月中部
如有隱匿者究治施行

又至元十六年十一月欽奉

皇帝聖旨該據中書省奏已前管不蘭奚官北文秀阿散實

先生小薛潤又等因諸路收拾不蘭奚諸色已下頭目
人等多有隱藏不能盡實到官將逐官旧管不蘭奚名分
罷訖今委吏部尚書客省使忽都答兒兼領諸路不蘭奚
總管府事仰照驗區處定事理施行

一各路達魯花赤總管府及州縣達魯花赤管民正官
不切本職收拾不蘭奚人口頭足諸物各州縣每
月申總管府每季申吏部尚書兼領諸路不蘭奚
總管府仍令本府逐旋差人催督點勘各路委足
正官將收拾到不蘭奚須管到官每月當月二十
五日本路指定聚集不蘭奚去處令人識認三日

于內若有認見委死詐冒召招給主外死人識認者依上每季差人管押赴大都交付吏部尚書兼領諸路不蘭奚總管府收管外據府州縣在前收拾下底不蘭奚人口頭足諸物心仰盡數差人赴本府交納死得隱漏

一各路多出文牒排門粉壁不以是何人等若有新舊收着底不蘭奚人口頭足諸物管限三日內申送所在官司如有隱或違限不解赴官許隣佑諸人首告得實將犯人痛行斬罪告人約量給賞若坊里正鄉頭社長主首人等知而不首者依上斬罪

如本千戶下驅口首告者即斬為良

一前後軍馬經過去處元擄到人口沿路在逃病患落沒了底人等寄留下不曾來取并滌留下係官人口頭足諸物管軍民人匠諸色官員不以是何人等隱藏者許令自首到官並免本罪如是違犯痛行斬罪外不蘭奚人口自行首官典免本罪即令為民

一收拾到不蘭奚頭口須要如法喂養不致瘦弱死損如有倒換貨賣宰殺食用及典者諸人首告得實依上斬罪給賞如委是病患倒死肉貨分付所在

官司貨賣作鈔同皮子觔角逐旋納官外人口委
因病死保結開申

一已罷回管不蘭奚官員將元收拾到戶計人口頭足
諸物盡數交付吏部尚書兼領諸路不蘭奚總管
府管領如隱匿或推故作弊不行盡實交付者將
元管人員并見收拾之人一例斷罪

告首隱藏字蘭奚賞鈔大德六年八月初三日江西行省
准中書省咨宋國用隱藏字蘭奚牛隻偽造文契意欲
貨賣不行赴官首納取訖招詞歸斷外不見給賞鈔數定
例咨請照驗准此行批宣徽院呈送闡遺監設得遺失之

物隱藏者多其于賞罰明當以示懲勸若擬但凡隱藏字
蘭奚一介賞鈔若干且人口頭足價值不等又所遺諸物
中間貴賤有差今後應告隱藏字蘭奚者体問明白佑驗
所隱之物實值價錢于犯人名下減半追徵給付告人充
賞其犯人亦聽分数比附定罪似望少革隱藏之弊如准
所呈實為允當送刑部部議得隱藏之弊如准所呈實為
允當所擬犯人罪名臨事聽輕重科斷具呈照詳都省准
呈咨請依上施行

字蘭奚正官拘解大德七年十二月二十六日江西行省
准中書省咨遼東宣慰司忙古歹言出使人員賈奉

聖旨刷會不蘭奚人口不行經由有司一面恣意下村死問軍民投下戶元有驅口扇惑作字蘭奚拘收如此搔擾百姓不安送刑部照得先准宣徽院閔元貞元年本院奏奉聖旨節該今後委自各路達魯花赤總管府及州縣達魯花赤管民長官科一員不妨本職收拾字蘭奚批州縣收拾到人口頭足依例交主人識認無人識認的開坐數目起赴省部交納若有人收着不行赴官申告許兩隣并諸人首告的實將犯人斷罪告人給賞欵此今奉前因本部說得擬合欵依元奉聖旨事意委各處達魯花赤長官收拾相應都省咨請欵依施行

行

字蘭奚鷹犬大德六年 月御史臺咨呈奉 中書省劄付准蒙古文字譯該中書省官人每根底答失蛮塔刺海言語年時奏了字蘭奚鷹鷄狗隻拘收呵怎生奏呵拘收者麼道

聖旨有呵行文字來限內不曾送納將來有如今十月十五日字蘭奚鷹鷄狗隻交送納將來這裏者這般說典了不送納來後頭事發或有人首告呵依先

御寶

聖旨裏有的他每省的也者這般行文字字蘭奚鷹鷄狗隻限

內不送納呵行頭首告的人有呵俺
上位奏也者准此照得先欽奉

聖旨節該字蘭奚鷹犬迷兒大者不吞失里两个根底不交收

拾背地裏飛放的打三十七下斷沒一半者欽此

人口不得寄養大德十年三月御史臺咨奉 中書省劄

付刑部呈分揀到濶里伯牙礼所言事內一件被賣良民

并斷沒人口擾害百姓合无收係為民事照得元奉上司

文字禁治擄掠誘賣良民攔當到官犯人嚴行治罪人口

發付元籍給親完聚切見江南地面自歸附以來被賣良

民數多隨處府州司縣攔當得獲本處官司審過住貫親

屬姓名被擄被賣來歷難便憑准止將本人官為收養行

移元籍官司呼召親屬識認勘當其間自腹裡至江南或

至閩廣動經數千里之遠官司往復行移數年于內縱

有勘當得實者其親屬悞地遠不能前來識認更無被

賣人口自幼離鄉經隔年深不能省記元籍住貫父母親

屬姓名多有供指爭差无可落着及有父母親屬逃亡不

存者數多似此相耽致人口積年在官為无供膳發付所

屬坊郭賦役之家收管其賦役人等轉行俵散民戶輪日

供養若有逃亡着落根尋甚為民害此等人口終無完聚

之期及有斷沒係官賊屬字蘭奚人口亦在百姓之家看

養一例擾民在前官司累曾取勘見數至今未曾明白發落若蒙上司委官隨路取勘見數除將應合給親人口官司差人管押轉發前路官司收管一程一程遞送直至元籍官司召親給付完聚委无親屬者男女匹配成戶收係為民外拋斷沒係官人口早得發落去處實為官民便益本部認得除无主識認字蘭奚人口隨即解赴合屬上司收係外拋一切寄養之人所在官司即便發落不得于坊正民家養如有違犯從廉訪司究治都省准擬仰依上施字蘭奚牛發付屯田種養至大元年十月行臺准中書省咨來咨各處拘到字蘭奚頭足別无官破草料欲行差

人管押赴北緣本省去都四千餘里誠恐沿路瘦損倒死徒費祇應實无所益况廣東係嶺外邊遠去處又與江西不同若不早為着落歲月既久死損更多擬合責付附近屯田官收養耕種其餘窵遠路分拘到馬足畜產之類驗彼中時估變賣作鈔以為便益伏請照詳都省認得拘收到字蘭奚頭足合從本省依例召主識認不盡數目發付屯田種養咨請依上施行

移易隱占字蘭奚人口等事皇慶元年八月日福建宣慰司承奉江浙省劄付准中書省咨宣徽院備闕遺監丞湯淑呈隨處路府州縣達魯花赤提調字蘭奚人口

頭足等事其各官因仍苟且不肯用心提點以致人口頭足逃匿瘦弱倒死移易不能盡實到官况各官多收鷹鷄不時飛放將字蘭奚馬足非理馳驟至于倒地匿不申聞縱有解到瘦損不堪騎坐今後莫若改委各處文資長官提調凡有字蘭奚人口頭足責付里正主首收養立法關防用心檢點毋致逃易隱匿瘦弱倒死按月申報每歲于二月九月二次送納實為便益送批刑部認得除路府州縣達魯花赤提調字蘭奚人口頭足已有定例所批騎坐飛放移易隱占人口頭足合准宣徽院所擬北付御史臺行下各道廉訪司嚴加体察禁約到官之數合令宣徽院

所擬北付御史臺行下各道廉訪司嚴加体察禁約到官之數合令宣徽院設法關防毋致隱匿瘦弱死損相應都省准擬除外咨請依上施行

字蘭奚逃軀不得隱藏至大元年三月江浙行省准樞密院咨大德十一年七月二十五日本院官

奏在先探馬赤按的忽都哈脫完不花等万户每奏將來軍人每蛮子田地裏出征時得來的軀口一个蛮子和尚該說着交蛮子百姓每迴他本地面裏去者麼道說呵他每的奴婢每白日裏將他媳婦孩兒每逃走呵被他使長每根赶上呵迎敵着去了的也有似那般逃走了

的每于城子裏村房裏和尚先生寺硯裏人匠局院裏隱藏入去的也有用船棧偷度過黃河大江去的也有更他的使長出軍去了呵欺負着他每的媳婦的孩兒逃走了的多有為那上頭軍人的氣力眼消乏了有在先

世祖皇帝聖旨裏隱藏着不蘭奚鷹犬的人每也有罪過者麼道遍行了

聖旨有來如今依着在先

聖旨体例交行文書着麼道奏呵不揀誰休隱藏者隱藏的每有罪過者逃走的人拿住呵轉送與他本主者麼道

完澤禿皇帝聖旨有呵外處行了文字交排門粉壁了來如今

帶城子官人每不肯用心提調的上頭逃走的軀口每也不肯出來有在家裏的人每做着逃走了的上頭軍人的氣力眼生受消乏了麼道万户每說有俺衆官人每商量來依着在先

聖旨体例裡諸王駙馬公主每根底各枝兒并和尚先生每根底不以是何投下裡有隱藏入去的逃軀每呵立與限一百日限內出來去他根腳裡的使長根底來呵免了他每的罪過這般道了不肯出來的每後頭有人首告出來呵奴婢每根底斷八十七下轉送與他本主不揀是誰隱藏着依体例不肯出來的每斷七十七下家私內三分中斷

沒一分典首告的人兩隣外主首社長明知道不肯告的
每六十七下家私四分中斷沒一分典首告的人充賞城
子裏的官人每告發到官覩面皮依着

聖旨不行呵斷三十七下罷了他每的勾當省諭衆人交排門
粉壁呵怎生認定來應道

皇太子根底啟過

聖旨那般者欽此

字蘭奚頭足延祐三年九月行省准 中書省咨來咨龍
吳路備新建縣申鄧仁二于至人元年七月內收到死主
水牛特一頭節次生下牛犢三頭因病倒死一頭外有見

在母子牛三頭責付主首王季青等收養聽候若擬起解
地遠不便擬合估價還官恭詳各處拘收到頭足別死屯
田耕種處所若不依價交賣誠恐死損不便除將拘收到
官頭足估價交賣外咨請照驗准此送刑部議得新建縣
收到死主水牛三隻既是別死屯田耕種合咨行省更為
照勘如委死主識認依准本省所擬估價交賣起解相應
具呈照詳得此該得上項拘收到官頭足難准估賣都省
咨請照驗更為召主識認如死叔令有田之家租用聽候

宿藏

得宿藏物地主停分至元十三年閏三月中書戶部擬西
京路申韓村民戶王泮駟告狀至元十一年四月初三日
相合到王四九李倉兒賀二等前去蔚州新孟庄典賀二
等築塙李倉兒於窟塙戶掘出大白磁鉢子王四九用杓
剗裂拜駟見黃色金子不肯分張得此勾到一千人等追
到元掘一銀一定銀鐲兒一對金鐲兒一對金釵兒一隻
鍍金釵兒一隻乞照聽事省部照得王泮駟等元物已有
分張陪到價錢若便沒官誠恐已後凡有異奇珍寶隱匿
不肯出首為此省部公議得批王泮駟等于賀二地內掘

得埋藏之物于所得物內一半役官一半付告人于地內
得者依上令得物之人與地主停分若租田私田宅例同
業主如得古器珍寶奇異之物隨即申官

進獻約量給價如有隱匿其物合追沒官取招斷罪奉

都堂准呈施行

